

«KazakhExport» ЭСК» АҚ
Директорлар кеңесінің
2018 жылғы «26» қыркүйектегі
№ 8 хаттамасына
№ 6 қосымша

«KazakhExport» ЭСК» АҚ
Директорлар кеңесінің
шешімімен «бекітілді»
2018 жылғы «26» қыркүйектегі
№ 8 хаттама

**«KazakhExport» экспорттық сақтандыру компаниясы»
акционерлік қоғамында сыртқы аудитті ұйымдастыру
және жүргізу жөніндегі саясат**

ІНҚ БОЙЫНША ТҮЙІНДЕМЕ

ІНҚ атауы	«KazakhExport» экспорттық сақтандыру компаниясы» акционерлік қоғамында сыртқы аудитті ұйымдастыру және жүргізу жөніндегі саясат
ІНҚ иесі	Ішкі аудит қызметі
Қолжетімділік деңгейі	Көпшілікке қолжетімді
Құрылымдық бөлімшелерді ІНҚ-мен таныстыру жөніндегі іс-шаралар	«Ішкі портал» желілік дискісінде ІНҚ орналастырылған күннен бастап 1 (бір) жұмыс күні ішінде электрондық пошта арқылы жіберу

МАЗМҰНЫ

1-тарау. Жалпы ережелер	4
2-тарау. Сыртқы аудитті ұйымдастырудың негізгі талаптары мен тәртібі	5
3-тарау. Сыртқы аудитордың қаржылық есептілік аудитін және аудиторлық емес қызметтерді көрсетуі кезіндегі мүдделер қақтығысы	6
4-тарау. Сыртқы аудитор туралы ақпаратты Қоғамның Директорлар кеңесінің Аудит комитетіне ұсыну	8
5-тарау. Сыртқы аудит жүргізу кезінде жоба бойынша серіктесті ауыстыру	8
6-тарау. Сыртқы аудитор жұмыскерлерін Қоғамға жұмысқа қабылдау	8
7-тарау. Аудиттелген қаржылық есептілікті ұсынуға және жариялауға қойылатын талаптар	8
8-тарау. Сыртқы аудитордан жыл сайынғы растау	9
9-тарау. Қорытынды ережелер	9

1-тарау. Жалпы ережелер

1. Осы «KazakhExport» экспорттық сақтандыру компаниясы» акционерлік қоғамында (бұдан әрі - Қоғам) сыртқы аудитті ұйымдастыру және жүргізу жөніндегі саясат (бұдан әрі - Саясат) Қазақстан Республикасының заңнамасына, Қоғамның Жарғысына, Қоғамның ішкі нормативтік құжаттарына сәйкес, сондай-ақ Қазақстан Республикасы таныған қаржылық есептілік пен аудиттің халықаралық стандарттарына сәйкес әзірленді.

2. Осы Саясаттың мақсаты аудиторлық ұйымдардың қызметтерін (аудиторлық ұйымдар көрсететін аудиторлық емес қызметтерді қоса алғанда) тарту жөніндегі тиімді қызметті ұйымдастыру, сондай-ақ оларды тандау, аудиторлық және аудиторлық емес қызметтерді ұсыну кезінде Қоғамның аудиторларының тәуелсіздік мәртебесін сақтауын қамтамасыз ету жөніндегі жалпыға бірдей қабылданған рәсімдерді енгізу және мүдделер қақтығысына жол бермеу болып табылады.

3. Сыртқы аудитті ұйымдастыру мынадай қағидаттарға негізделеді:

- 1) адалдық;
- 2) объективтілік;
- 3) кәсіби құзыреттілік;
- 4) құпиялылық;
- 5) кәсіби мінез-құлық;
- 6) тәуелсіздік;
- 7) кәсіби стандарттар.

4. Осы Саясатта мынадай терминдер мен анықтамалар қолданылады:

1) аудитор - Аудиторлыққа кандидаттарды аттестаттау жөніндегі біліктілік комиссиясы аттестаттаған, «аудитор» біліктілігін беру туралы біліктілік куәлігін алған жеке тұлға;

2) аудиторлық қызмет - қаржылық есептілікке және қаржылық есептілікпен байланысты өзге де ақпаратқа аудит жүргізу және қызмет бейіні бойынша қызметтер көрсету жөніндегі кәсіпкерлік қызмет;

3) аудиторлық есеп - жүргізілген аудиттің нәтижесі болып табылатын жазбаша ресми құжат;

4) аудиторлық ұйым (бұдан әрі - сыртқы аудитор) - Қоғамның аудитін, оның ішінде, бірақ ерекше қызмет түрінде емес, қаржылық есептілік аудитін және/немесе квазимемлекеттік сектор субъектісінің арнайы мақсаттағы аудитін және/немесе салықтар бойынша аудитті жүргізетін не осы аудитті жүргізу үшін тартуға болжанатын аудиторлық ұйым;

5) квазимемлекеттік сектор субъектілерінің арнайы мақсаттағы аудиті - бюджет қаражатын пайдалану мәселесі бойынша аудит;

6) салықтар бойынша аудит - салықтардың және бюджетке төленетін басқа да міндетті төлемдердің барлық түрлері бойынша есептеудің және төлеудің дұрыстығы, міндетті зейнетақы жарналарын, міндетті кәсіптік зейнетақы жарналарын есептеудің, ұстап қалудың және аударудың толықтығы мен уақтылығы, әлеуметтік аударымдарды есептеудің және төлеудің толықтығы мен уақтылығы мәселесі бойынша уәкілетті мемлекеттік орган айқындайтын тәртіппен жүргізілетін аудит;

7) сыртқы аудит - Қоғамның сыртқы аудитор жүргізетін аудиті;

8) Әдеп кодексі - аудиторлардың кәсіби қызметінің этикалық қағидаларының жиынтығы;

9) Қоғамның Директорлар кеңесінің Аудит комитеті - Директорлар кеңесіне Қоғамның қаржы-шаруашылық қызметін бақылаудың тиімді жүйесін белгілеу (оның ішінде, қаржылық есептіліктің толықтығы мен дұрыстығына), ішкі бақылау және тәуекелдерді басқару жүйелерінің сенімділігі мен тиімділігіне, сондай-ақ корпоративтік басқару саласындағы, сыртқы және ішкі аудиттің тәуелсіздігін бақылау жөніндегі құжаттардың орындалуы бойынша ұсынымдар дайындау арқылы Директорлар кеңесі жұмысының тиімділігі мен сапасын арттыру мақсатында құрылған Қоғамның Директорлар

кеңесінің тұрақты жұмыс істейтін консультативтік-кеңесші органы;

10) мүдделер қақтығысы - аудиторлық ұйымның мүдделілігі оның Қоғамның қаржылық есептілігінің дұрыстығы туралы пікіріне әсер етуі мүмкін жағдай;

11) Халықаралық қаржылық есептіліктің стандарттары (ХКЕС) - Халықаралық қаржылық есептіліктің стандарттары жөніндегі кеңес бекіткен қаржылық есептілік стандарттары;

12) жоба бойынша серіктес - аудитке, сондай-ақ сыртқы аудитордың атынан шығарылған есеп (қорытынды) үшін жауапты серіктес немесе сыртқы аудитордың басқа да тұлғалары;

13) басшылыққа хат - бухгалтерлік есептіліктегі қателерге әкеп соқтыруы мүмкін есеп жазбаларындағы, бухгалтерлік есеп және ішкі бақылау жүйелеріндегі қателіктер туралы ақпаратпен және анықталған кемшіліктерді түзету жөніндегі тиісті ұсынымдармен сыртқы аудитордың Қоғам басшылығына жазбаша жүгінуі;

14) қаржылық есептілік - Қоғамның қаржылық жағдайы, қызмет нәтижелері және қаржылық жағдайындағы өзгерістер туралы ақпаратты білдіреді;

15) Жалғыз акционер/Холдинг – «Бәйтерек» ұлттық басқарушы холдингі» акционерлік қоғамы.

Осы бөлімде көрсетілмеген, бірақ осы Саясаттың мәтіні бойынша қолданылатын ұғымдардың, терминдердің, анықтамалар мен қысқартулардың Қазақстан Республикасының заңнамасына және/немесе Қоғамның ішкі құжаттарына сәйкес анықтамалары болады.

5. Сыртқы аудитор Халықаралық бухгалтерлер федерациясы жанындағы Халықаралық аудиторлық практика жөніндегі комитеттен оларды Қазақстан Республикасында ресми жариялауға жазбаша рұқсаты бар ұйым мемлекеттік және орыс тілдерінде жариялаған Қазақстан Республикасының заңнамасына қайшы келмейтін халықаралық аудит стандарттарына сәйкес кәсіби қызметтерді орындайды.

2-тарау. Сыртқы аудитті ұйымдастырудың негізгі талаптары мен тәртібі

6. Қоғамның сыртқы аудитін ұйымдастыру мақсатында Қазақстан Республикасының заңнамасына сәйкес және тауарларды, жұмыстар мен көрсетілетін қызметтерді сатып алуды жүзеге асыруды регламенттейтін Қоғамның ішкі құжатында көзделген тәртіппен мынадай рәсімдер жүзеге асырылады:

- 1) сыртқы аудитордың қызметтерін сатып алу рәсімдерін жүргізу;
- 2) сыртқы аудиторды және оның қызметтеріне ақы төлеу мөлшерін айқындау;
- 3) аудит жүргізуге шарт жасасу.

7. Қазақстан Республикасы заңнамасының талаптарын сақтай отырып, Қоғамның ішкі құжаттарында белгіленген тәртіппен сыртқы аудит қызметтерін ұзақ мерзімді сатып алуды жүзеге асыруға болады.

8. Қоғамның аудиті Директорлар кеңесінің, Қоғам Басқармасының бастамасы бойынша не Жалғыз акционердің талабы бойынша жүргізілуі мүмкін, бұл ретте Жалғыз акционер аудиторлық ұйымды дербес айқындауға құқылы.

9. Аудит жүргізуге арналған шарт Қазақстан Республикасы заңнамасының талаптарына және Қоғамның ішкі құжаттарына сәйкес жасалады.

10. Квазимемлекеттік сектор субъектілерінің арнайы мақсаттағы жыл сайынғы міндетті аудитін (бұдан әрі - арнайы мақсаттағы аудит) жүргізу мақсатында Қоғам Холдингке жоспарланатын жылдың алдындағы жылдың 1 қазанына дейін арнайы мақсаттағы аудитті жүргізуді жоспарлау туралы хабарлайды.

11. Арнайы мақсаттағы аудит мемлекеттік аудит және қаржылық бақылау органдары аудитпен қамтыған кезең үшін жүргізілмейді.

12. Арнайы мақсаттағы жүргізілген аудит нәтижелері бойынша аудиторлық қорытынды Холдингке хабарлануы тиіс.

13. Салықтар бойынша аудитті Қоғам қажеттілігіне қарай Қазақстан Республикасының заңнамасына сәйкес жүргізеді.

14. Сыртқы аудиторларға және Қоғамның Ішкі аудит қызметіне (бұдан әрі - ІАҚ) тиісінше қамтуды және қосарланған жұмысты барынша азайтуды қамтамасыз ету мақсатында өз қызметінің жоспарлары мен нәтижелері туралы ақпарат алмасуға рұқсат етіледі.

Сыртқы аудиторға оның сұратуы бойынша ІАҚ қызметінің нәтижелері туралы бекітілген есептерге, басшылықтың осы есептерге берген жауаптарына және ІАҚ және сыртқы аудиторлардың ұсынымдары бойынша түзету іс-қимылдарының орындалуына мониторинг жүргізу нәтижелеріне рұқсат берілуі мүмкін.

Аудит қорытындылары бойынша сыртқы аудитор ІАҚ-не өзінің аудиторлық есебінің даналарын (электрондық файлдарын), Қоғам басшылығына хаттарды және олар бойынша таныстыруларды жібереді. Басшылыққа есептерді, хаттарды және сыртқы аудитордың ұсынымдарын (бар болса) талдағаннан кейін ІАҚ Қоғамның оларды орындауына мониторингті жүзеге асырады.

Белгілі бір есепті кезеңде көрсетілген аудиторлық қызметтердің қорытындылары бойынша сыртқы аудитор мен ІАҚ Қоғамның Директорлар кеңесінің Аудит комитетіне өзінің өзара іс-қимылының нәтижелері мен тиімділігі туралы хабарлайды (қажет болған жағдайда).

3-тарау. Сыртқы аудитордың қаржылық есептілік аудитін және аудиторлық емес қызметтерді көрсетуі кезіндегі мүдделер қақтығысы

15. Сыртқы аудиторға «Аудиторлық қызмет туралы» Қазақстан Республикасының Заңында көзделген жағдайларда аудит жүргізуге тыйым салынады.

16. Қызметтерді алу кезінде, сол сияқты қаржылық есептіліктің аудиті бойынша қызметтерді сатып алу кезінде Қоғам мыналардың салдарынан сыртқы аудитордың тәуелсіздігіне әсер ететін мүдделер қақтығысы қаупінің (сыртқы аудитордың мүдделілігі оның қаржылық есептіліктің дұрыстығы туралы пікіріне әсер етуі мүмкін жағдай) туындау (тәуекел) мүмкіндігін қарауға тиіс:

- 1) осы сыртқы аудитордан бұрын алынған қызметтердің сипаты;
- 2) қаржылық есептілікпен қамтылатын кезең ішінде немесе одан кейін осы сыртқы аудитормен қаржылық немесе іскерлік қатынастар.

Қоғам сыртқы аудиторға өзін-өзі бақылау қаупін немесе оның қолайлы деңгейге мәліметтерін болдырмау үшін шаралар қабылдамаған немесе қабылдай алмаған жағдайда, Қоғам осындай сыртқы аудитордан қаржылық есептілік аудиті бойынша қызметтер ала алмайды.

17. Әдеп кодексіне сәйкес қаржылық есептілік аудитімен байланысты емес бірқатар қызметтерді (аудиторлық емес қызметтерді) көрсету осы Саясаттың 19-тармағында айқындалған тізімге сәйкес сыртқы аудитордың тәуелсіздігіне әсер ететін мүдделер қақтығысының туындауына әкеп соғуы мүмкін. Бұл ретте Қоғам қызметтерді алуға мүдделі тұлға ретінде сондай-ақ осындай қызметтерді алудан туындайтын кез келген қатердің маңыздылығын бағалауы қажет. Бірқатар жағдайларда оны сақтық шараларын пайдалану арқылы алып тастауға немесе қолайлы деңгейге дейін жеткізуге болады, басқа жағдайларда мұндай қатерді ешқандай сақтық шараларымен қолайлы деңгейге дейін азайту мүмкін емес.

18. Қаржылық есептілік аудитін, салықтар бойынша аудитті, арнайы мақсаттағы аудитті жүзеге асыратын сыртқы аудитордың пайымдауының тәуелсіздігін қамтамасыз ету мақсатында Қоғамның бухгалтерлік есепті жүргізу және қаржылық есептілікті жасау жөніндегі осы аудитордың қызметтерін сатып алуына және/немесе алуына тыйым салынады.

19. Қаржылық есептілік аудитін, салықтар бойынша аудитті, арнайы мақсаттағы аудитті жүзеге асыратын сыртқы аудитордан алынатын қызметтердің мынадай түрлері

бойынша оның тәуелсіздігіне әсер ететін мүдделер қақтығысы туындауы мүмкін:

1) Салық салу саласындағы қызметтер - әдетте, сыртқы аудиторға тәуелсіздік қаупінің туындауына әкеп соқпайды;

2) Ақпараттық қызметтер - Қоғамның қаржылық есептіліктің құрамына кіретін ақпаратты өңдеу үшін пайдаланылатын ақпараттық-технологиялық жүйелерді әзірлеуге және енгізуге байланысты қызметтер алуы сыртқы аудитордың тәуелсіздігіне қауіп төндіруі мүмкін, осыған байланысты Қоғам:

- Қоғамның лауазымды адамының ішкі бақылау жүйесін құру, оның мазмұны мен мониторингі үшін өз жауапкершілігін мойындауын;
- Қоғамның лауазымды адамының жоғары буын басшылығы қатарынан бағдарламалық құралдарды әзірлеуге және енгізуге қатысты барлық басқарушылық шешімдерді қабылдауға жауапты құзыретті жұмыскерді тағайындауын;
- Қоғам лауазымды адамының бағдарламалық құралдарды әзірлеу және енгізу бөлігінде барлық басқарушылық шешімдерді дербес қабылдауын;
- Қоғам лауазымды адамының жүйелерді әзірлеу мен енгізудің барабарлығы мен нәтижелерін бағалауды;
- Қоғамның лауазымды тұлғасының жүйелерді пайдаланғаны үшін және жүйелер пайдаланатын немесе шоғырландыратын деректер үшін жауапкершілік қабылдауын қамтамасыз ететін тиісті сақтық шараларын қабылдауы тиіс.

3) Ішкі бақылау жүйелерін және Қоғамның тәуекелдерді басқару жүйесін бағалау және әзірлеу жөніндегі қызметтерді алу - сыртқы аудитордың персоналы басқару функцияларын орындамаған жағдайда сыртқы аудитордың тәуелсіздігіне қауіп төндірмейді;

4) Заң қызметтері - қаржылық есептілікке елеулі әсері жоқ мәселелер бойынша Қоғамның заң қызметтерін алуы сыртқы аудитордың тәуелсіздігіне қолайсыз қауіп төндіретін фактор болып табылмайды.

Қоғам қандай да бір салада көмек алу мақсатында алатын заң қызметтері (мысалы, шарт жасау, заң консультациясы, заң сараптамасы немесе қайта ұйымдастыру жөніндегі кеңестер) сыртқы аудиторға өзін-өзі бақылау қаупін туғызуы мүмкін, бірақ бұл ретте мұндай қауіп-қатерді қолайлы деңгейге дейін төмендетуге қабілетті сақтық шаралары қолданылуы мүмкін. Мұндай қызметтер сыртқы аудитордың тәуелсіздігіне:

- сыртқы аудитті жүзеге асыратын топ мүшелері бұл қызметтерді көрсетуге қатыспайтын;
- консультациялық қызметтерді алу кезінде Қоғам түпкілікті шешім қабылдайтын жағдайда теріс әсер етпейді.

20. Егер Қоғам сыртқы аудитордан төрелік дауларды қарауда алатын көмек (мысалы, сараптама, болжамды залалды немесе сот дауы нәтижелері бойынша Қоғам төлей алатын немесе ала алатын басқа да сомаларды бағалау, сондай-ақ іс жүргізуде, сот дауы үшін құжаттарды іздестіруде және жасауда көмек көрсету) даудың ықтимал нәтижесін бағалауды қамтиды, бұл Қоғамның қаржылық есептілігінде көрсетілуі тиіс сомаларға немесе деректерге әсер етеді, онда сыртқы аудитор үшін өзін-өзі бақылау қаупі туындауы мүмкін. Мынадай факторлардан қауіптің маңыздылығы:

- 1) даудың мәні болып табылатын соманың мәні;
- 2) дау мәніндегі субъективизм дәрежесі;
- 3) Банк көрсететін қызметтің сипаты.

21. Егер сыртқы аудитор пайдаланатын функциялар Қоғамның атынан басқарушылық шешімдер қабылдауды білдірсе, осымен туындайтын қатерді қандай да бір сақтық шараларын қолдану арқылы қолайлы деңгейге дейін жеткізуге болмайды. Бұл жағдайда Қоғам сыртқы аудитордан мұндай қызмет түрлерін алмауы тиіс.

22. Қоғам сыртқы аудитордан алатын қызметтер:

- 1) сыртқы аудитор өзінің аудиторлық компаниясының бәсекелесі рөлінде болған немесе қатысушылардың көпшілігі аудиторлық компанияның бәсекелестері болып

табылатын бірлескен кәсіпорны немесе ұқсас бірлестіктері болған кезде;

- 2) сыртқы аудитор Қоғамға және мүдделері Қоғамның мүдделеріне қайшы келетін немесе мәселелер, операциялар мен проблемалар бойынша бір-бірімен пікірсайыстар мен пікірталастар жағдайында болатын басқа да ұйымдарға қызметтер көрсеткен кезде құрылуы мүмкін объективтілік және құпиялылық қағидаттарын бұзбауы тиіс.

4-тарау. Сыртқы аудитор туралы ақпаратты Қоғамның Директорлар кеңесінің Аудит комитетіне беру

23. Жылына кемінде бір рет, бухгалтерлік есеп және сыртқы аудитормен өзара іс-қимыл мәселелеріне жетекшілік ететін Қоғамның басшы жұмыскері Қоғамның Директорлар кеңесінің Аудит комитетіне алдыңғы есепті жыл үшін, оның ішінде:

- 1) Қоғамның сыртқы аудитору көрсеткен аудиторлық қызмет туралы заңнамаға сәйкес өзге де қызметтердің көлемі (қызметтердің әртүрлі санаттары бойынша бөлінісінде);
- 2) осындай қызметтерді көрсеткені үшін Қоғам сыртқы аудиторға төлеген сыйақы (әрбір жеке қызмет үшін және жиынтығында) бойынша ақпараттың берілуін қамтамасыз етеді.

5-тарау. Сыртқы аудит жүргізу кезінде жоба бойынша серіктесті ауыстыру

24. Халықаралық практикаға сәйкес сыртқы аудитор әрбір бес жыл сайын жоба бойынша серіктесті (аудит үшін негізгі жауапкершілікті көтеретін) ауыстыру қағидатын ұстануы тиіс.

Егер Қазақстан Республикасының заңнамасына сәйкес және тауарларды, жұмыстар мен көрсетілетін қызметтерді сатып алуды жүзеге асыруды регламенттейтін Қоғамның ішкі құжатында көзделген тәртіпшен алдыңғы жылы сыртқы аудитті жүзеге асырған сыртқы аудитор таңдалса, мұндай сыртқы аудитор Қоғамның Директорлар кеңесінің Аудит комитетінің қарауына ұсынылатын жоба бойынша серіктестің сабақтастық жоспарын дайындайды.

Алдыңғы аудитордан өзгеше басқа сыртқы аудиторды таңдаған жағдайда, жоба бойынша серіктестің сабақтастық жоспарын дайындау талап етілмейді.

6-тарау. Сыртқы аудитор жұмыскерлерін Қоғамға жұмысқа қабылдау

25. Егер Қоғамның міндетті аудитіне сыртқы аудитордың жұмыскері ретінде қатысатын немесе сыртқы аудитордың қызметкері ретінде Қоғамның міндетті аудитіне қатысқан тұлғаны оның тағайындалған күнінің алдындағы екі жыл ішінде Қоғамның Басқарма мүшесі, басқарушы директоры немесе бас бухгалтері лауазымына тағайындау (сайлау) ұйғарылған жағдайда, Қоғамға мүдделер қақтығысын болдырмау мақсатында оны тағайындау (сайлау) туралы мәселені одан әрі қарау үшін болжанып отырған кандидат бойынша Қоғамның Директорлар кеңесінің аудит жөніндегі комитетінің алдын ала мақұлдауын алу талап етіледі.

7-тарау. Аудиттелген қаржылық есептілікті беруге және жариялауға қойылатын талаптар

26. Қоғамның қаржылық есептілігінің аудиті аяқталғаннан кейін сыртқы аудитор аудит жүргізуге арналған шартта көзделген мерзімде аудиторлық есеп пен хатты Қоғам басшылығына ұсынады.

27. Қоғам Жалғыз акционерге аудиторлық есептің данасын немесе көшірмесін қағаз және электрондық ақпарат тасығыштарда Қоғамның қаржылық есептілігіне түсіндірме жазбаны (ашуды) қоса алғанда, Қоғамның аудиттелген жылдық қаржылық

есептілігін, сондай-ақ оны сыртқы аудитордан алғаннан кейін Қоғамның Жалғыз акционері немесе ішкі нормативтік актілері белгілеген мерзімдерге сәйкес басшылыққа хатты қоса беруі тиіс.

28. Қоғам қаржылық есептілікті Қазақстан Республикасының заңнамасына сәйкес бұқаралық ақпарат құралдарында (оның ішінде Қоғамның веб-сайтында) жариялайды.

8-тарау. Сыртқы аудитордан жыл сайынғы растау

29. Сыртқы аудитор Қоғамның Директорлар кеңесінің Аудит комитетіне (кемінде жылына бір рет):

- сыртқы аудитордың тәуелсіздігінің сақталғанын;
- сыртқы аудитордың және оның серіктестерінің Қоғамда қаржылық мүдделерінің жоқ екенін;
- аудиторлық топ мүшелерінің Қоғамда қаржылық мүдделерінің жоқ екенін;
- осы Саясатта көзделген жағдайларды қоспағанда, Қоғам мен сыртқы аудитор арасында қызметтер көрсетудің өзге жағдайларының болмауын,
 - Қоғам сыртқы аудиторға төлейтін сыйақының төтенше жағдайлардың туындауы негізінде төленбейтінін;
 - Қоғам мен сыртқы аудитор арасында даулардың жоқ екенін растайды.

9-тарау. Қорытынды ережелер

30. Осы Саясатпен реттелмеген мәселелер Қазақстан Республикасының заңнамасымен, Қоғамның Жарғысымен, Жалғыз акционердің, Директорлар кеңесінің, Қоғамның Директорлар кеңесінің Аудит комитетінің шешімдерімен және Қоғамның басқа да ішкі құжаттарымен реттеледі.

Осы Саясаттың жекелеген ережелерінің Қазақстан Республикасының заңнамасына қайшылықтары болған жағдайда, Қазақстан Республикасы заңнамасының нормалары қолданылуға жатады.